



413
951
2



門 413
號 351
卷 2

蘇北詩鈔五言古三

天正十五年二月
花房仙文部氏寄贈

陽湖 趙翼 雲崧

齒痛

少讀昌黎詩笑渠作牛飼我時齒力堅足供老饕恣雖
輸編貝工幾可嚼鐵碎連砂爛脫粟帶骨決大截舞陽
生彘肩直欲一斃試豈期近年來微罅生櫛比每飯費
剔搔疑有蟹奴寄忽復浮陽蒸旋起腫肉膩一團無根
火熏灼滿口熾含痛魚銜鉤負傷虎帶刺舖糜但軟飽
就枕鮮美睡經旬委頓餘一个忽委地翻因剝膚灾快
此敝屣棄其餘皆動搖告別將以次會聞袁子才留齒

善持議謂齒在其身差不負位置笑或粲然露食必肥者致不如輔車依勿遽悻悻避我欲援例請齒也早自計百物甫入口惟齒職勞動及夫得味時又屬唇舌事我則任其勤彼則收其利譬如老邊將轉戰心力瘁安坐享太平廟堂有高位斯理誰能平固難禁其懟姑弗誘甘言且與講大義附我數十年亦有賓主誼懼汝剛則折啟口每加意梭恐鄰女投弗敢與之戲拳恐武夫毆未嘗觸其忌挂鬻既謹言穿齧亦表志非象曷貽焚非鼠豈訟累拾有牙慧誇寒未虜亡至相處尙不惡中路忍乖異辟穀既乏方覓乳又滋費坐視飯顆瘦寧弗少留憩齒也始嘔然君言甚情摯已落難復存椽之慮仍墜吾將再生兒供君養頤堵

善於語言極才人之能事鄙人齒病一首差可附後塵枚

刪改舊詩作

食筍愛其嫩食蔗愛其老愛嫩則棄根愛老則棄杪非人情不常物固難兩好何況詩文境所歷有遲早少時擅藻麗疵類苦不少老去漸剷除又覺才艷稿安得美竝存病處又俱掃晚作蔗根肥少作筍尖小

少日所得意老去覺舛陋奮筆擬刪之謂今學始就焉知今得意不又他日疚詩文無盡境新者輒成舊漫勒鐵函藏行復警譏覆笑同古煉師燒丹窮昏晝一火又

國言金
一火層層去粗垢。及夫燒將成。所存僅如豆。未知此豆
許果否。得長壽。

書懷

少賤苦窮餓。求官藉餽粥。及夫仕宦成。又想林下福。此
意殊不良。未可對幽獨。其如才分劣。自審久已熟。同乎
俗吏爲吾意。旣不欲異乎俗吏。爲吾力又不足。是以詘
然止中歲。返初服。敢援老氏戒。謂知足不辱。庶附風人
義坎坎歌伐輻。

僕怨其癡。親友笑其癡。且勿怨與笑。吾自有主持一枝。
生花筆滿懷。鏤雪思以此。溷塵事寧不在用之。何如擁
萬卷日與古人期。好官自有人。豈必某在斯。

書所見

孔教所到處。無不有佛教。佛教所到處。孔教或不到。四
裔獠狃區。詎有孔子廟。如來觀世音。乃皆莊嚴妙。何哉
正學炳反輪。異端爆豈非福利。說易爲愚民。告要其俗
雖殊固不外。吾道君仁而臣忠。父慈而子孝。孔書縱不
至光遠。則已耀。

世儒好闢佛。多欲窮其精。我但言其粗。了然自易明。其
教嚴戒殺。物命固長成。卻絕男女欲。不許人類生。將使

大千界人滅物滿盈此豈造化理流毒逾秦坑試起廣
長舌將以何說爭比昌黎立論愈粗愈精乃知名理固不在深言也保

午睡

少小讀魯論晝寢懲昏頽每當午欲睡解以苦茗杯豈
知老而衰漸與睡為媒飯罷輒交睫兩目撐不開初猶
悉力拒繼乃應候來中有一片甜其味美於回早知有
此樂何嫌朽木材竊疑孔聖人先生欺余哉

游孝女測字養親詩

名文園年十七以測字養親

相字古未聞相傳始唐宋玉局崔道士北千止剽奪宣
和謝潤夫聲名徹禁闈御書朝字來知十月十日問官
得請字謂未全言責問孕得也字謂腹有蛇疾迨乎南
渡後專家益輩出士加畫為王杭移點成木權相書退
字日與人甚密知其糾結深至老不能黜權闈書囚字
國內大人一其如四無依懸縊兆可必斯皆擅絕技巧
中百不失至今江湖間往往習其術大抵游食徒星卜
同一律何哉游氏女亦復矜弄筆設案闈闈中風吹面
如漆波磔或拆離偏旁或配匹卜者信手拈輒為判凶
吉問女年幾何何不處在室有嫗坐其旁一一為縷述
幼小讀詩書今年十有七親老鮮兄弟藉此養衰疾街
頭字一个堂上米一溢嗟哉女何賢會閔出巾櫛豈惟

夙慧深托業良可卹揚州銷金窩動擲千萬鎰厨有臭
酒肉途有墜錮焉何不涓滴分憫此嬋媛質免使傍路
塵含羞對囂聒我欲竟此語或已笑迂濶

原原本本無一字苟作保泰

老境

天生人官骸一器具一用惟此眉髮鬚無知覺運動既
一無所能偏能將老送時時來嚇人勾引水霜凍又居
最高處黑白見者衆此豈不可憎化工何必種我欲盡
髮之拚得一夕痛無奈纔掃除重生又如葑

少聞柳下惠能坐懷不亂私心竊疑之謂孰在旁看柳
下自言耶真偽未可判女出告人耶亦難作定案安知
非欺人外托秉燭旦今我老境來始信語非謫從前好
風懷久作春冰渙卽令伴橫陳味已嚼蠟換然則易事
耳何妨夕見粲以我蒲柳衰證彼葛藤斷老夫與古賢
可同號鐵漢

快論獨關千古舟

故人

故人多暱仕快若凌風舸建牙乘朱轡曳履躡青瑣門
列檠戟森家擁金玉瑳偶念及腐儒知其掩關坐或憐
范叔寒遙贈綈袍裹或笑杜甫瘦作詩嘲飯顆豈知此
老頑解衣磅礴躑心方古人期頤肯諸公夥生前不如
他死後不如我

子才過訪草堂見示近年游天台鴈蕩黃山匡廬
羅浮諸詩流連竟夕喜賦

薄暮君忽至令我喜欲顛與君兩年來書問月幾箋終
不如見面快吐所欲言何期有今夕把酒明燈前當年
驚蛺蝶逸態猶翩翩鬚鬚雖已白狂過惡少年醉後起
談鋒巖電目炯然妻孥亦驚詫私矚門隙邊不知是才
子但疑老神仙

趙州年八十打包始行脚君亦近七旬忽思訪名嶽攬
雲黃海深看桃台洞灼旋支廬阜筇復躡羅浮屨攀崖
臂爲猿穿松身化鶴顛趾倘不虞螯粉付一落求榮求
利耶爲此童騃樂及歸倒錦囊奇句森歎薄青山千萬
古生面一朝擴始知此老黠重輕早自度好詩拚命換
雖癡固未錯

文人例相輕反脣互瑕尤楊恥王後居邢笑任集偷嘲
杜飯顛山壓李黃鶴樓豈知皆小見氣矜羣兒咻茫茫
大宇宙聽人各千秋蓋棺論自定睽睽有萬眸劣難強
加膝優難禁出頭所以君與我彌覺意氣投尹邢不避
面翻欲同羅幃君才馭飈輪我力破浪舟一代詩人內
要是今曹劉

仙霞嶺

地媪不甘卑。突起聳天半。四山積鐵黑。陡削千尺岸。何年通往來。綫路入穹漢。闕越此扁鑰。界畫天所判。初從井底升。盤旋劣容駁。馬蹄石迸火。人額笠雨汗。曲磴萬級梯。喬松百尋繳。漸躡罡風顛。羣喘作雲漢。屹然見雉堞。橫鎖兩崖斷。扼隘成絕險。石角露精悍。信哉形勝地。一夫劍可按。古來割據幾。往往藉掀扞。寶應及審知。乘時割疆畔。翻疑天設險。徒為人長亂。不知鴻濛初。胡創此危仄。我來值承平。途已列闕閉。緬惟國初時。遺孽尙潛竄。開門有降將。省折槍半段。國初取閩鄭芝龍早有降意袖雷關不留一兵故大兵得長驅入強藩。繼鳴張欲取。浙潮盟老罷。當道卧終摧。賊矛鍛取逆之變李武定兵扼此關賊遂敗退事往父老稀。時清風景換。重閉念勇夫。俯仰一揮翰。

寓齋獨坐作

舉世驚榮利。退士獨掩闔。懷古手一編。蕭然冷生活。人謂此老癡。此老實最黠。衆所競趨處。一罅萬夫奪。惟茲文字絲。無人問阡陌。恣我磅礴遊。天馬驟空闊。人棄我所取。正是巧貪得。待彼榮利盡。所就已莫及。送者自崖返。回視俱塵沒。

士有名世才。出手爆雷電。遠夷爭購詩。達官求識面。必待史策傳。其傳已有限。嗟我生也晚。不及見古人。但覺

古人遠可望不可親盡力相追從猶疑隔一塵千人萬人中有我七尺身千年萬年中有我數十春白首自照鏡塌然脂傷神

山行雜詩

我歸江南道應出仙霞關時當兵凱旋喧哄滿市園乃遵海而北路入千萬山出郭首北嶺陡入霄漢間遙望疑無路猿猴亦難攀豈知所必經一縷縈榛菅昇輿數十人作力股脚彎我成百足蟲蜿蜒上青孱自笑老何苦白首歷此艱

有司僱輿夫送我遞郵舍輿夫見官僱知從憲府下將我作奇貨備直索高價停肩不肯行求益恣嚇詐名士值幾錢竟似將我賣民轉脅官貴此事殊可詫輿夫前致詞使君幸勿訝平時官股民錙銖弗肯赦惟此聊取償稍嘔老饕炙

謝公昔遊山屐換前後齒我老不能行筍輿代步履其奈高下問將我斂若砧上山身仰眠下山手旁抵老夫忽設計奇智出囊底輿夫有短長呼來就排比上則前矮張下則後短李人地一調劑遂覺平如砥斯慚役人力彼肩代我趾

遙山最深處想必無人居一縷炊烟起乃亦有室廬始

知生齒繁到處墾闢虎豹所窟宅奪之為耕畝尚有
備丐者無地可把鋤民生方愈多地力已無餘不知千
歲後謀生更何如

一層又一層直疑到天上及行至層巔天高仍難量試
以目力揣無異平地仰乃知不可階固絕人意想本地
者親下身已落塵埃橫可徑萬里高難騰一丈安得洪
崖肩何來巨靈掌所以謝自然退之斥其妄

山雲纔滃起頃刻雨點飄乃知雲變雨不必到層霄祇
在百丈間即化甘澍膏君看雲薄處曦影如隔縞自是
此雨上仍有赤日高

青山近可登碧澗清可酌結廬者誰子牆荆瓦編籬門
外幾株松濃陰綠成幕荷鋤出種稻攜鏡兼采藥時復
蒸朮芝清香透林薄洵美此家居足以老耕鑿我非茲
山人恨不一椽托可惜居山者不識山居樂

過青川訪劉誠意故居土人云在南田山頂去地
千百丈其上平疇千頃村落相望皆公子孫也
質之縣令趙君亦云惜匆匆不及往遊賦此以

誌

我行青田江言訪誠意宅居民為指點宅在千仞壁其
上一洞天長疇千頃闢山平有廻環水軟無跳擲厥土

乃上腴畝歲收二石處者皆劉氏丁戶累數百猶守故
侯風服田讀書策雖無顯仕宦亦少賤隸役惟公精青
烏堪輿審所擇是以占地靈椒聊衍蕃碩斯語殊未然
公本志勲績一經治春秋決科早通籍恢奇二鬼篇英
略蘊自昔豈屑識緯學小數叩幽蹟時當元運衰猶應
行省辟慷慨討賊議同官舌盡咋獨從石抹公歷險冒
戈戟使其果前知肯狗陽九厄是知世所傳淺夫妄億
逆想公卜居意但取茲境僻外無紛華炫內有耕鑿適
龐公計貽安楚相地取瘠老成垂慮遠正以保宗祏徒
擬形家言未免腐鼠嚇英賢自有真豈在著與策世所
驚神奇不值一笑啞事往跡尙留論定品始自遙望青
山高遐哉君子澤

嚴灘

去年過嚴灘子陵向我笑久作林下人胡出逐旌纛得
非白頭嫗塗粉思再醮今來過嚴灘我向子陵誚披裘
跡近銜加腹氣非傲特恃故人恩巧立高士操繫余慕
武夷隨人入閩嶠適當有軍事借箸聊一効非特酬知
交兼藉國恩報事定仍拂衣一路快登眺出不爲求
名歸不失高蹈比君弔詭處稍覺襟懷浩湖天有一曲
去披綠篔簹

樹齋大司馬述菴少司寇奉使秦郵扁舟往晤流

連永日別後却寄

老懶寡送迎。忽焉泝淮浦。難得兩使星。皆是我舊雨。一見不可無。別緒要傾吐。憶昔共樞曹。趨直日接武。踪跡負。歷。蚤。意。氣。食。牛。虎。神。索。夜。草。箋。朝。靴。曉。踏。鼓。退。直。偶。得。暇。餘。勇。尙。堪。賈。催。詩。走。竿。牘。折。柬。循。尊。俎。徵。逐。豈。厭。頻。諧。謔。或。致。侮。人。間。朋。遊。樂。此。可。入。畫。譜。宦。轍。一朝分

相望萬里阻使節漠南庭

樹齋屢鎮塔爾巴哈台等處

价藩日北戶

補布政雲南

勞深官亦高雲霄果筮羽開府門列戟馳傳吏負弩卽今兩名卿天下仰台輔而我早歸田一編守環堵不敢尺素通爲慚在塵土却荷故人誼屢書問良苦今朝獨何緣握手鏡湖許乍見看鬚眉深談罄肺腑巢痕緬鎖闥履聲憶丹廡陳蹟宛猶昨舊交已難數當時列仙班半入點鬼簿天留我輩在要作秋容圃升沉途雖分衰晚力須努立言有各山策勳有盟府在朝與在野均貴桑榆補名恐湛輩同功肯噲等伍皓首各勉旃相期在千古

反矐目篇壽王西莊七十

好書如好色。遇輒與目成。當其悅心處。不減對傾城。所以耽文史。亦名爲書淫。淫則必有罰。咎惟兩目任。先生

探浩博萬卷羅縱橫。畫竭一線晷宵燼。五寸檠有如訪
佳麗。欲遍姬姜羸。乃招天公妒。強奪雙青睛。有花使霧
看。無燭使夜行。謂可示孽報。陳編難披尋。豈知旨其目
不能盲。其心翻令收。視中草思益。專精照幽慧。燈朗記
事胸。珠明益掩且射覆。鏡聽兼卜聲。遂比那律多冥觀。
洞八瀛。天公顧而笑。困之乃益亨。由來禁好色。莫禁相
思情。還他正法眼。炳燭追荀卿。拔釘淬速去。刮鏡翳弗
縈。依然兩清曠。秋水光盈盈。宋艷消永日。黃嬾娛深更。
直至方瞳年。巖電常晶熒。

清流關

峩峩清流關。鑿翠孰椎斧。一夫瞋目當。可却萬貔虎。天
險與人傑。相遇出建監。南唐守壽春。扼此作壘戶。宿師
十五萬。警備嚴旂鼓。北兵歌檀來。嘽嘽如風雨。夾馬有
真人。先此試笨阻。交綏偶失利。何以警淮浦。西澗夜半
泗。攀堞月未吐。直擣郡治牙。一劍落皇甫。勝勢乘破竹。
都監亦被擄。堂堂兩大將。一朝繫雙組。遂盡淮南地。畫
江作邊圉。當時立奇勲。戮力王事監。豈知日後觀。似自
拓疆土。所以端命殿。奕禩誌皇武。開邊渡瀾滄。得國承
杜宇。事變萬不常。固難一例數。我來一經過。陳迹久榛
莽。時清無戍旗。民晏各安堵。山高而水深。邈然坐懷古。

昭明讀書臺

儲宮愛讀書。梁唐兩太子。昭明文選樓。舊在邗江涘。亦聞烏目山。績學構潛邸。匡廬有斯臺。乃自昇元始。景通方毓德。築館聚文史。書幙障皂羅。手植蓬萊紫。後來踐閨位。猶念舊遊里。賜田一千頃。養僧一萬指。空門豈無情。報國心共矢。及聞金陵圍。勤王赴江汜。誓將髡頭落。欲救肉袒恥。法和香火盟。繼顛倉廩委。舉事雖不成。其志實英偉。是皆炳誌乘。可溯臺緣起。何年換蕭統。翻作不祧祀。乃知流俗訛。數典食以耳。寺貧僧盡蠹。世遠碑莫紀。鵲巢遂占鳩。張冠竟戴李。伍胥塑髭多。韓愈繪髯美。傳不傳有命。自古皆如此。

棲賢寺瀑布

開先瀑布寺中。棲賢瀑布寺外。寺內得擅奇。寺外難稱最。豈知萬斛泉。束以二仞澮。迫繞寺門前。衆練絞一帶。憤盈莫可遏。無鬼亦作怪。雄雷不蟄泥。跳入此急瀨。咆哮勃起。吼聲震破乖龍瞶。年久石被嚙。似切昆刀快。陷深遂成槽。始信水力大。一落忽萬丈。澄淵歛碎湃。溢出復洶洶。勢仍怒裂眦。峽橋來夾之。胯下使出界。羞忿不回顧。一去駛莫搯。咄哉信奇觀。流遠力弗鍛。迴瞻三石梁。銀河百丈挂。彼乃跌自高。此則噴於隘。

王文成公紀功碑

粵西歸德峽見公摩崖名

平田州所刻

今讀廬山碑駿烈彌崢

嶸維時變猝起稱戈出宗盟殺吏據都會欲徑趨陪京
公在震鄰中羽檄張虛聲使之遲疑間下游皆守城迨
賊沸唇出急搗巢穴傾攻其所必救邀之於歸程鄱湖
水流血樵舍風偃旌遂令老劉渾一戰縻長纓偉哉儒
者績討逆談笑成所率皆文吏所用皆民兵滔天禍變
劇一月手削平亂同張方壘功逾亞夫營嗚呼豈異人
公亦一書生

諸詩皆簡潔蒼鍊不能增損一句是此公老境

白鹿洞書院

鹿洞古書院南唐所育賢號廬山國學養士有賜田堂

堂朱助教鼓篋勤陶甄虛絳崩鼈輩三害悉改愆

見陸游南唐書

晦翁守南康踵舊開講筵道學一以振朗日行中天名
蹟遂獨擅胥忘保大年嗚呼後居上創者轉就湮書臺
百尺基旣被昭明遷書院千間厦又爲朱子專一笑李
中主身後太可憐

題洪建侯梅花小照

梅花遇何郎格韻正相肖如何孤山翁衰醜強索笑欲
恃橫斜句來作鏡臺嶠老夫聘女妻梅花未必要花今
獨何宰相賞得英妙景盧玉雪人清才擅年少姿與花

同潔氣與花並傲來爲花作主千株靜延眺豐貂製鶴
驚陋彼驢背嘯潑墨南宮山烹雪東坡銚坐令花增榮
絕勝紅羅幃花亦慶所遭珠蕊朗四照一笑問梅花幾
生修得到

春間晤西莊於吳門因其兩目皆盲歸作反矐目
篇祝其再明詩成尙未寄秋初接來書知目疾
竟已霍然能觀書作字鄙人不禁沾沾自喜竊
攘爲拙詩頌禱之功再作詩以貽之西莊當更
開笑眼也

七發能起病一檄可愈風少陵咏髑髏瘡鬼避血紅被
皆待披讀始祛劇疾攻豈如鄙人詩祝公明雙瞳詩成
未及寄公已豁霧蒙捷於灰飛管驗若霜鳴鐘婆羅門
善呪無此大神通道士拜赤章枉費斗檢封一笑呂子
明果非舊阿蒙自茲正法眼嚴電逾昭融日力所透處
牆壁洞幾重撮蚤易拾芥懸蠅便引弓不畏騎瞎馬仍
堪數飛鴻字毋煩手摸花詎愁霧籠重翻插架書快比
故舊逢生平未定橐戢戢束萬筒時方排纂
蠅術編蠅頭積細碎
牛毛散氈氈挑燈自排纂縷縷入紀纓訂訛矐奏叟指
迷瞽導童遂使天下目障翳盡掃空人呼照天燭自喜
磨鏡銅得不歸功我一詩挽化工公方開壽讌廣坐笑

眼同速演玲瓏曲。滿酌玻璃鍾。待余來稱祝。敬酬刮膜功。
一詩遂成千古佳話保泰

新春招程霖岩湯蓉溪二丈暨莊學晦家緘齋小

集

少時遇老人。輒思引而避。豈知入暮年。愛老轉有味。新

春例宴客。折簡首耆艾。里中有皓首。數叶商芝四年皆

開八秩

程湯皆七十八莊七十五緘齋亦七十

惟我齒猶未。方當捧几杖。敢便聯

襟襖。惠然乃肯來。竟援溫公例。既免擁篲迎。兼辭執醬

饋。酒弗限三巡。肴偶過五器。維時近上元。滿城簫鼓沸

寒家少長物。華侈獨燈事。紉穀薄若空。玻璃透無滓。料

珠與明角。一一出新製。榮光助豪飲。引滿連舉解。老拳

轟。捫陣謎語鬪。鬪戲醉上凍。梨面胥變朱。顏麗一笑五

老峰突起樽。俎地眼前此。數翁看似無。關繫庸知履。寫

交中有昇平瑞。一葉知秋風。一花驗春氣。自非仁壽期。

曷此耆耄萃。作詩傳他年。或可洛社繼。

題謝蘊山觀察種梅圖

梅花本艷質。滿樹瓊瑤瑛。不幸遇老逋。始以寒瘦名。遣

伴枯僧寂。差配幽人貞。庸知冰雪中。獨領羣芳萌。公子

褐裘來。美人縞袂迎。此乃富貴氣。豈徒含孤清。所以商

位置。未可冷淡成。宮開珠藻朗。堂敞玉照明。襯以紅羅

麗吹之瓊笛。瑋粉額壽陽。點翠羽羅浮。鳴庶幾。稱花格。不落窮柴荆。先生文章氣。朝日晃九英。家傍大庾嶺。官歷揚州城。與梅有夙緣。遷宦心仍縈。構軒曰補梅。署中健軒名步移幾程。繪圖誌韻事。課種趁曉晴。晏家一株白。間以姑蘇頰。嫩香蓓蕾綻。淡色胭脂輕。公餘偶索笑。春風逗簾旌。況有三嬌兒。差肩花下行。崔梨飢座耀。杲蓮出水擎。共花相映發。角立刺史鐺。始知君庭階。信多玉樹榮。此段好游賞。一洗寒乞情。紙帳太薄相。竹籬嫌荒儉。前有何水部。後有宋廣平。與君迭為三。替梅作主盟。梅亦慶得所。不專高潔聲。陋彼孤山翁。徒誇疎影橫。官梅與野梅。固難一例評。披圖為梅幸。問渠修幾生。題罷忽自笑。吾方劇黃精。

揚州哭秋園之訃

老去朋舊稀。晨星日寥落。何當遠耗來。又惜一个弱。憶我初歸田。君已臥林壑。都講兩同年。庚午與君同考。教習亦稱同年。握手成棣萼。遊為同隊魚。居比連巢鵲。寓齋與君鄰近。過魯邾。析寒酸。兩措大。詎有豪舉作。觴政三升沽。局戲百錢博。罵座豎髮毛。尋芳鬪腰脚。午飯市有脯。夜歸門已鑰。此樂可忘死。塵網安足縛。我尋客揚州。累君感離索。自茲不出門。伏蟄如屈蠖。我歸必相訪。漸減舊嬰鑠。因君衰

態增知我暮景薄。一見一回驚。動作數日惡。豈期竟撒手。遙空馭筆鶴。憶君六十時。早自治衾。鄒君六十歲即製飲具。余嘗有詩戲之。今又十八年。已非意所度。含飴到曾孫。鱗白供笑噱。於君復奚憾。獨我悲寂寞。紛紛交游中。履舄漫交錯。徵逐水聚萍。緩急風散葉。誰復似此老。痛癢不隔膜。他時買舟歸陳迹。宛猶昨。風淒白雲渡。花冷紅梅閣。都成黃公鱸。并負素車約。魂遊渺何處。蒼茫望遼廓。

輓唐再可

自我來揚州。徵逐半舊雨。能詩唐子西。相識自軍府。余從軍滇

南君方官騰越州即相識天南一以別。重逢快傾吐。回首古戰場。笑脫兵

塵苦江城多素心。晨夕共樂數雞豚。聯近局折簡迭爲主。花箋險韻麝葉格。意錢賭談深燭屢。跋飲醉蔗或舞荏苒七八年。風流映江滸。就中君最健。逐隊勇獨賈。蕭閒七十翁。髮不白。一縷非染陸。展藥詎飲張。蒼乳熊經而鳥伸。祕術擅禽五丹元。養鉛永胎息。調龍虎。是以老不衰。徒步鐵脚股。方當享大耋。光景日正午。何期遽飾巾。霞飛倏化羽。風輪一霎吹。殿塌靈光魯。衰年戀朋舊。豈必交肺腑。老輩漸無多。缺一難再補。去歲悲吳剛。已赴脩月斧。酒齋去歲歿今又弱一个。益傷少。壽伍流光下。坂丸暮景穿。縞駉生死臂。屈伸今昔首。仰俯哭君行。自傷等

是殘更鼓

雞鳴山蔣侯廟後殿塑仙姝蓋卽其眷屬也不知
何年訛爲織女遂有織造使者葺而新之并蔣
侯像亦加飾焉天神人鬼混爲一家可發一笑
戲爲詩正之

一尉逐賊死現神自孫吳至今雞鳴山遺廟尙一區冕
旒坐正殿後宮列羣姝想卽其眷屬祠聯禕禴何年
訛織女錦機繅絲絢匏瓜久獨處善保千金軀何至寄
人廡弗隔一戶樞仙靈已無邪想不妨耦俱不然瓜李
嫌竟滅禮法拘已貪宅分邸便可雲行巫渡不藉橋鵲

飛寧煩烏鳧翻笑七夕期歲只一歡娛山來愚俗謬神
鬼亦被誣在昔梁山神配以汾陰姑亦有杜十姨遣嫁
伍髭鬚甚至帝舜廟武后並結跌攘取娥英位獨占有
鰥虞幻瀆太不經同此堪胡盧獨惟蔣子文身後遇何
殊紫髯已肇祀侯封號中都六朝加帝稱盼饗羣奔趨
披白晝出盪刀製耀市衢後雖氣燄衰僅祭茲山隅乃
又屈天孫來伴絳羅幙生以忠殞命死有色報劬奇緣
出非望真乃樂不圖只愁上界聞按律問攘踰齊姜本
非偶羅敷自有夫亟防牽牛郎來接河鼓杓

奴子陸喜善蒸鴨子才食而甘之命其庖人用門

生帖拜喜爲師遂授法而去戲調子才

宋嫂誇魚羹薛庖精羊胛食單雖鄙事亦貴專門業吾
家有僕喜燒鴨妙烹割香味蜜釀花火功矢徹扎熬之
汁漬融和以滌滲滑濃可使脣膠爛不煩齒齧何來一
老饕飽啖到釜戛頓起乞隣貪潛用媚寵黠傳薪冀密
授辦香乃虔謁厨夫稱門生奇聞競喧聒古來擅絕技
專席恐人奪鴛針繡不度羿弓引不發王戎賣佳李去
核斷萌枿衛公教用兵十僅示七八喜也倘自秘當守
六二括乃被一刺投欣然詔先達淺夫好爲帥竟爾付
衣鉢發劓矜又恢出囊快穎脫遂使郇公厨有人敢相
軋若彷彿石崇例此奴便應殺一笑且置之姑勿雞豚察
但問何以報手訣謝披豁飲水當思源上樓勿梯拔亟
買綠頭雄烹餼製如法挈榼獻師門以代脩脯納助我
蒸瓠餐一快雙箸夾

將入雲樓十餘里修篁夾路人行綠陰中清景獨
絕肩輿中不得曠矚乃以奴輩所乘馬騎而遊
名藍訪雲樓一徑入深竹攬雲十萬竿夾道森碧玉檀
欒影交橫併作凍雲複一片蔚藍天晴霏罨新沐日光
午不漏似冪方空穀微風一以吹解籜時簌簌我乘巾
車行苦障帷數幅擬彷彿賈平章去蓋露頂禿僮奴下馬

來勸我騎而矚果勝四望車空曠豁心目攬巒林筵中
清陰滿山麓馬蹄踏不碎人面映皆綠維時四月初正
抽新篁蠹嫩翠衣欲濡幽芬鼻微觸猶恐領不盡弗敢
加鞭速十步九遲迴緩于跨殼鯨人疑老書生鞍馬非
素熟豈知年少時從軍遍荒服振策千山巔快騁追風
足今得款段游早脫塵鞅束寧復誇據鞍聊以抵乘輦
臨風一長嘯響徹篔簹谷

題嶺南物產圖六十二韻

圖為林元嵩畫梁藥亭
有詩今摹本為吳觀筆

昔官其地吏事困案牘但翻賦且書奚暇爾雅讀景色
失交臂自笑吏也俗何期歸田久粵產翻盈籠一收沒
骨圖歷歷見南嶼詩畫兩名家前輩留遺蹟彷彿者吳延
陵追摹極繁縟開函首螺貝大小非一族斑斕駢百寶
宛委旋九曲次第到花鳥暈采炫麗矚馬纓披午風佛
桑映朝旭六出梔子花梵天號蒼葛紅蕉宜綺疏幽蘭
稱空谷荔枝及龍眼珍可薦奩盃赤白兩鸚鵡慧黠過
鸚鵡羅浮五色雀合隊成錦簇麻姑遺仙裙化蝶如車
輻鷓鴣啼軻軻翡翠飛熠煜最後蚌吐珠光搖海波綠
伴以珊瑚枝水底燃絳燭使我冰雪胸頓起豁壑慾神
哉技至此知費幾管禿黃筌應汗流徐熙定心服而我

撫卷罷。遍翻嶺海錄。覺此尚掛漏。試爲數更僕。匝地青
勞。篋漫山紅躑躅。十月開緇梅。四季霏丹粟。伽侑夜有
光。陀利曉逾馥。椰子酒滿杯。椀郎麵論斛。雷柚大如瓜。
扶蔗粗於軸。竹一節爲舟。茄三歲出屋。桂有蠹。堪貢柑。
借蟻並鬻媚。草情必鍾笑。花容可掬蜜。有波羅甜綿。豈
班枝燠。植物旣瑰奇。飛走更紛郁。孔雀彩自炫。鷄鷄力
善觸。吉了功能言。朱來啼似哭。水犀角在鼻。石羊膽藏
足。果馬三尺高。爆牛一峰獨。飢蛟猛取虎。蝥蛇饒吞鹿。
帶箭鳥拖尾。吐綬雞贅肉。風狸得風活。火鼠入火宿。下
至喘奕倫。種類益繁複。牡蠣堅築牆。蛤蜊賤供藪。瑤瑁
纈紋勻。蝦蟇錦襖。蠶禾虫汁可羹。土蛹乳堪漉。嗜蛄或
改名食蠔。矢弗告。肋嫩柱是瑤。腹腴珖名玉。西施舌微
吐。楊妃乳新浴。胸臆紫引長。彭亨白出縮。蛤蚧脰能鳴。
蟾蜍眉有毒。虎蠟殼杯深。龍鰓鬚杖蠹。噓氣蜃樓幻。駕
浪鬣。帆速蜈蚣皮。鞞鼓陀蟀甲。拒鏃鯨脊高。山邱鱷牙
劇人畜。斯皆南海濱。陽明所孳育。語非齊諧怪。事可諾
臯續。已入埤雅編。何妨畫笥蓄。曷不增作圖。更寫百十
幅。吾當再揮毫。倒盡便便腹。

松坪見余近詩以爲不如舊作深荷良友規益而
精力日衰不能副所望書以誌愧

老尚作詩人已貽士林辱詩人亦不成致煩良友勗枉
期精進。曠已入倒。廻谷聞言汗自泚。擬更下帷讀笑撫
白髭鬢老矣中書禿。

題北溪謙齋蓉湖三壽圖

潞公曾有言。獨壽苦無奈。故交零落盡。所遇少年輩。捧
杖纔接談。避席輒思退。所以洛社開。廣結老人會。盍簪
非一姓。佳話已炙膾。何哉一門中。乃有三耆艾。吾鄉北
郭劉名門。著當代。傳經守家學。出仕凜官誠。北溪判隨
州事。藹參佐。解不肯傳舍。視辛勤。績報最政成。賦遂初
腰脚尙健在。謙齋早摘科。蜚聲鳳羽翮。作令歷閩粵。所
至有遺愛。歸老尙苦吟。詞壇樹旌旆。蓉湖擅經藝。設教
先在沛。旋宰駱。越鄉兵後撫。凋瘵官罷貧。不支盤餐仍
咬菜。懿茲好兄弟。錯脚洵相配。幼已讓棗梨。老猶共鋤
耒。人總一堂上。年皆七旬外。新詩學紙麈。先訓書紳佩。
無煩出門交。自有聯牀快。寫照者誰子。濡毫得其概。林
下三白頭。善氣迎人藹。巾屨各飄蕭。松石互暎帶。一幅
列仙儒。儵然脫塵壒。遠比三茅君。遊戲良常界。近追壽
愷堂。壘篋耄猶對。笑彼耆英。枉勞徵冠蓋。娛老求友
聲。豈如家庭內。花萼久更榮。桑榆晚未曛。衣冠真盛事
千載此寶繪。

范菽亭孝廉得二扇面一爲倪元璐畫石一爲張
煌言自書江上聞笛詩合裝成卷索題敬書於
後

巡遠睢陽哀張陸匡門厄皆因同死事連傳在史策此
卷兩忠臣先後廿年隔一攀鼎湖髯一銜精衛石死固
非預訂生并或未識手筆乃各傳無端作合璧四明范
菽亭夙有嗜古癖書畫廣購藏兩篋快新獲嘆其義烈
同聯之幅盈尺我閱倪公畫片石寫寒瘡想見骨力堅
卓立千仞壁我讀張公詩聞笛秋江夕和以激楚音直
逆烟竹裂一公染翰時豈意共素冊遺墨一朝聚相映

光愈赫遂覺橫卷中淋漓滿紙熱石無巨鼇戴節有老
蛟泣當年滄桑痛耿耿尚如結兩氣化一虹雙血凝一
碧白非搜剔勤曷萃此名蹟殉節前賢事表忠後人責
縑素垂千秋應可慰毅魄

人參詩

偉兒久病需用參劑市價甚貴白金三百兩易
一兩尙不得佳者曩閱國史我朝初以參
質高麗定價十兩一斤麗人詭稱明朝不售以
九折給價而我朝捕獲偷掘參者皆明人以
是知麗人之詐起兵征服之迨定鼎中原售者

多其價稍貴然考查悔餘壬辰甲午兩歲俱有
謝揆愷功惠參詩一云一兩黃參直五千一云
十金易一兩皆康熙五十年後事也其時參價
不過如此乾隆十五年余以五經應京兆試恐
精力不支以白金一兩六錢易參一錢二十八
年余病服參高者三十二換次亦僅二十五換
時已苦其難買以今較之更增十餘倍矣市值
愈貴購之益艱詩以誌慨

貧家患富病用藥需復劑吾兒抱沉疴藉補丹田氣其
如價過昂乃圭購不易此物瑤光星散華凝入地三楹
五其葉獨與儿卉異結子蓮米紅分陰椹樹翠年深根
成形肢體或粗備土中兒啼聲往往驚夜睡其始出土
黨僅等苓朮類地運有轉移乃爲我朝瑞高高長白
山鬱蟠王氣萃靈苗茁其間孕結飽生意以之療羸疾
庸醫亦奏技幾同返魂香不數肉芝臂當年評直賤購
買不繁費十金易一斤隣市舊有例十金易一兩詩家
亦有記迨我服食時猶只倍三四彈指三十年徵貴乃
無藝一兩三百金其品猶居次中人十家產不滿一杯
味珍過服玉方艱於鍊丹秘古稱萬金藥始信語非僞
嗟哉此神物天以救疵癘乃因價不訾翻若天勢利但

許活富人貧者莫可冀此事關隱憂蒼生命所繫吾兒病已深非此不得濟燃眉倘可救剜肉逞敢計搜括罄貲儲典賣到衣被所愁力將竭兒病痊尙未中宵撫空囊徬徨不能寐

題陳東浦藩伯敦拙堂詩集

學詩必學杜萬口同一噪連城有真璧未可砥硃冒嗚呼浣花翁在唐本別調時當六朝後舉世炫麗藻青蓮雖不羣餘習猶或蹈惟公起掃除天門一龍跳骨力森開張神勇鬱雄鶩陽烏掩燭火轟雷塞蚓竅天壤此一途疏鑿曾未到一開五丁峽遂坦九軌道坐令翰墨場莫不奉旌纛微之彷彿精切退之師排異義山鍊格道涪翁取徑隋豪宕放翁吟悲壯遺山弔斯皆分社派各具一體妙迨明李何輩但摹面目肖彭亨鼓蛙怒咆勃奮虎嘯徒滋虛氣張終覺輕心掉曠代有東浦孤詣憂獨造淵源沂雅騷根柢本忠孝讀書必破卷陋彼管窺豹出語必驚人鶩若講脫鷄力厚巨鼎扛思沉重淵鈞每於樸僊處雋味出揉拗以追少陵作磁鐵兩字召得皮兼得骨在神不在貌細昔老拾遺入蜀詩益爆長揖嚴尹幕高歌葛相廟至今舊草堂萬丈光尙耀先生甫筮仕卽泛錦江權固知關宿緣豈特發遐眺新詩十二卷

精心躡堂奧子美有替人當亦意不料寓齋得披誦狂
喜成絕叫惟應辨香燃敢肆飯顆誚傳語學杜人津梁
此先導

甌北詩鈔五言古四

陽湖 趙翼 雲松

讀香山詩

我讀香山詩曠懷真灑落顧皆預防死所以早尋樂是
其方樂時中懷已作惡何如無成心悲喜隨所托悲則
有呻吟喜則有歌嘍

讀方干詩

我讀方干詩求進一何躡處處乞薦章誓以殺身報豈
知要路人高居但暗笑曾無一文持徒有百篇噪區區
螻蟻命願殺亦誰要

題鄒蓮浦小照

林霏澹無痕深樹皺衆綠超然靜者心小憩寄幽矚一
童抱琴來松風正護護

和立崖遊虎邱用東坡韻偶檢杜少陵壯遊篇有

東到姑蘇臺闔廬邱墓荒劍池石壁仄等句是

子美先已遊此而今莫有稱者爰再次韻以諗

立崖仰蘇樓畔更築一懷杜閣以傳遺蹟可乎

遊山得勝覽不復躡峻嶺汲泉得甘味亦輒捨深井物

情大抵然星替月光耿虎邱有坡詩獅吼噤萬壑名蹟

遂獨擅和者句煉礦豈知少陵翁壯遊氣豪猛劍池闔

廬墓先曾行脚騁今乃人莫知湮晦足悲哽君家吳趨

坊負郭有二頃盍仿呂汲公草堂葺荒冷

呂汲公鎮成都訪浣花溪遺址重築草堂

地非浣花幽跡以誅茅永庶其仰蘇樓分占茲山景羅

池誌廟文孟亭畫壁影故事倘可循私心竊有請

讀王子中先生白田存稿敬書於後吾師汪文端

公嘗出先生門古人以親受業者為弟子弟子

所轉授者為門人余於先生淵源故有自也

去古日以遠道學世所鄙方厭老生談孰究先儒旨風

會趨益下其病正坐此白田王先生學獨務根柢下帷

窮六經插架辨諸史蘇湖初教授名高特薦起

鑾坡

稽古榮特賜翰林院編修 鶴禁毓德美上書房行走 疏廣賜金歸力更救

桑梓生膺蒲輪徵歿入瞽宗祀嗚呼海完人邈矣前賢

軌嗟余生也晚泪沒詞章裏一朝讀公書不覺投五體

在昔東坡翁怕見逢掖子或以鬼怪嗤或以塵糟詆獨

於周濂溪弗敢一言毀造物乃其徒恨不奉杖履見蘇集濂溪詩

是知真大儒折盡才華士我劣本無才敢以坡自擬惟

此服膺心傾倒有相似韓門出陸莊况是小桃李雖未

枕膝授豈遂傳衣止著錄稱門人例在通德里祇應飲

思源遠溯崑崙水

前和立崖虎邱詩勸築懷杜閣以配仰蘇樓蓋一

時偶見及此未敢必有成也不一月立崖書來

已與同志諸公擇花神廟効地擬即日營構可

謂好事矣爰前韵以堅其約

偶然想為山未敢必成嶺我倡懷杜閣覓水慮管井豈

期同好多慕古心共耿選勝花神効薙草辟鼃龜不惜

錢編埒寧待金取礦計日馨鼓興趨事力何猛此邦士

大夫洵多雅懷騁為護鴻泥痕如祝鳩杖屐佇見凌虛

構落成在俄頃茲山有蘇樓孤寄本凄冷卜鄰得同調

益張大名承千古兩詩翁同占名區景劍池明月夜往

還有一影我當來守祠不待諸公請

立崖諸公方營杜閣東浦藩伯暨李松雲任曉村
 二太守聞之共誇盛事適虎邱有蔣氏園求售
 其捐俸千六百金買為閣基任君并以虎邱本
 白香山守郡時築塘開路遂又祠白公於其中
 懷賢好古皆名流韵事也書來促余往觀厥成

先悉韵奉寄

為山得大力蟻垤忽成嶺諸公營杜閣規畫方井井事

已聞當路名宦有軒歌

明軒歌與歌九疇齊名
時稱軒歌見明史輓傳

尚嫌所荒度徧

又類坎壈一擲二百萬買園刻磴礦始嘆達官力迥勝

素士猛風流賢太守妙思更旁騁懷杜方慨慷思白又

凄哽遂徬彭澤田稔稔各半頃溪移浣花幽路闢香山

冷恰對仰蘇樓鼎足名並永因一乃得三古迹增新景

平池春雨痕喬柯夕陽影長作遊讌地客到酒可請

用少陵壯遊篇韻寄題懷杜閣兼呈東浦藩伯松

雲曉村兩太守暨立崖明府

曠世有相感千古惟名場杜陵天人姿才思軼班揚一
 生遇坎壈枳棘棲鸞凰乃其驚人句塞破萬錦囊至今
 咳唾餘猶足潤枯腸所以名不朽高欲摩穹蒼後人仰
 遺躅肯使墮渺茫成都背郭宅任城泛池航至今尙護
 惜歷劫窮滄桑茲山公所咏闔廬邱墓荒即杜句是知一兩

履曾踏山花香乃讓東坡詩獨占七里塘自因題壁句
 風雨湮淋浪我來偶披檢潛采耀高皇好古有同志立
 奮起購豫章寄懷擬築閣曼霄凌蒼涼當路聞此舉快
 若獲舊忘別賞蔣詡徑來為鄭公鄉淥水舊名園老桂
 森出牆迥勝浣花溪當年只草堂既振墜緒冷儘供遊
 興狂名更塔影舊地怡海湧勿遂使千人石突過萬仞
 岡我思公生平鍛羽飛鷲鶴身悲空囊澁命托長鑱強
 西枝村選僻東柯谷向陽蜀郊佳稍久肯索錄事王尋
 復客梓園依人乞餘光嘉陵未暖席渝水旋寒裳襄西
 賃草屋風捲不得藏力耕仗獠奴勞以酒一觴晚落潭

衡間牛酒遽召歿統計所歷處無非謀和梁正因儂儂
 極翻以醉飽亡壯遊惟此地年少逸興長想當登眺時
 佳麗快遠望劔池寒流碧石壁返照黃跌蕩風月窩吟
 嘯花柳行故應冤魄戀驂鸞騎白狼默合晦迹顯丹艸
 煥棟梁名流愛勝地既死猶膏育顧非扶輪手誰為力
 表揚舉廢冷灰火輟俸剗肉瘡傑構屹百尺坡亦在下
 牀古迹有雙清大名無兩傷氣已壓短簿景堪畫長康
 從此虎邱勝流播益未央繫余拾級上矯首凌八方緬
 懷昔賢踪憑弔心激昂復嘆鉅公力締造傳遺芳雲磴
 聳翠嶺風潭漾滄浪彷彿何氏園石林暑有霜深壑透

宛委浮嵐接良常懸知公精靈乘雲翻來翔

中秋後曉村太守招遊懷杜閣閣在左偏已塑少

陵像中為思白堂設香山粟主右別有樓遂并

移東坡像於此仍榜為仰蘇總名曰三賢祠虎

邱從此更增一勝地矣再參前韻題蘇樓下

人隔唐宋。朝地分秦蜀。嶺誰能聚諸賢。晤對共廬井。作

台有妙手。術過先生耿。有唐有耿先生能攝人入山見陸游南唐書因杜兼及白營

築力已罷。并移仰蘇樓。粉績飾荒曠。幾同縮地幻。直過

移山猛。想見三詩覓結伴。其馳騁出有同。游樂居無獨

吟哽坡也。雖後輩才思。潮萬頃。怡稱三雅聯。豈同孤鴈

冷相得。乃益彰彌擅。千秋永獨悲。公去後幾閱滄桑景

至今少替人。空矗高樓影。一廡倘可分。所願不敢請。

題周松靄杜詩雙聲疊韻譜

詩以詠我言本從聲韻出。中有條縷分古疎。後漸密隱

候辨仄平。孫炎著反切關鍵。一以開千載。莫能易雙聲

與疊韻。六朝始梳櫛。偏礫音響連。腥瘦字母壹。北有魏

伯起。南有謝希逸。稿礫疊韻見南史謝莊傳腥瘦雙聲見北史魏收傳此法皆講求秘於

專門術。杜陵益精巖。對屬百不失。侵簪月影寒。逼履江

光徹。杜詩侵簪約逼履雙聲見雲溪友議老去詩律細。此亦細之一。倘其可不

拘。何以名為律。無何讀杜者。過眼付一瞥。但誇奔絕塵

不屑駕循轍海昌有周子遙契得真訣手著括略編韻
學乃盡泄從來文字緣每隨氣運闢古人抉其大後人
剔其窄非必後所增都自鑿空獲即如近體詩古人所
未識抑揚抗墜間妙有自然節古人縱復生不能變此
格是知本天籟豈鑽牛角僻茲譜雖小道源出唇齒舌
詎盡混池肩乃導崑崙脈反語田顛童測字杭兀术矯
揉尚稱奇矧此譜駁釋允作杜功臣藝苑更繩尺音義
韻府外另豎一幟赤

題馮星石鴻臚夢蘇草堂圖

時註蘇詩
已刻成

我家顧塘橋坡公上仙地乘雲或來歸乃不我一詣翻

訪大馮君千里到幽薊我賤君方貴頗疑坡勢利豈知
君與坡千載有獨契眉山詩一編箋疏良不易一在援
舊典一在考時事景廬但博觀放翁亦引避辛苦王梅
溪集註尙未備施本稍後出綿津加補綴近時初白翁
精心更排次我嘗靜披尋似已無遺議君也讀書多一
覽見疵類遂獨出手眼訂訛辨同異大節据長編瑣聞
撫稗記事參百家集地考十道志羽衣會何人洞簫客
何字巢痕憶故宮綠衣嘲下吏漏必簡蠹搜誤輒芻狗
棄如睹局中身并及言外意思當五夜披青熒一燈翳
神光離合間不覺接夢寐匪特君精誠感通力能致實

亦坡靈爽欲以不朽寄七年果訖功真面廬山出奎宿
在絳霄固應鑒勞動君今買草堂恰傍西湖滢坡昔遊
宦鄉歲或一再至我當來從君襍被同寐睡庶藉介紹
殷得聆緒論秘又恐成各夢弗獲捧杖侍

寄題同年項任田青士居祠堂

老閱後生多端居想故友任田我同榜薇省班稍後沉
默下帷讀恭謹循牆走東華每聯步跡似魚貫柳一別
三十年雲山各翹首聞君歸田來名行著閩右達官罕
識面鄰里無哆口人蒙澗鮒煦士倚鏗鯨扣寄我一幅
集精比深寧與我思遊黃山訪君相擊掇俄聞山陽笛
不得一執手及門著錄多爲君謀不朽瀟灑青士居昔

日傳經久戶外屢常滿納約悉自牖數典鄭註參析理
閩學守探源溯先河訪逸搜小酉榛翳有必芟渤溲亦
兼取至今絳帳生成就十八九乃卽臯比座築祠不盈
畝生托一瓣香死奉一尊酒以茲心喪切益徵教思厚
嗚呼講學名世已成窠日東林盛標榜鄒顧屹山斗繼
以幾復社氣矜尙赳赳近時風稍衰漢學又哮吼一字
據藥籠千言掃芻狗豈真發奧窔但自銜箋籤君獨宗
紫陽尺寸不敢苟名場詎屑爭理窟默自剖允矣鄉先
生典型古耆耇固宜祀瞽宗釋奠鄉射耦雲亭游息地

翠色蔚林阜。修竹列如屏。溪水清且冽。帶草通德鄉。菁
莪育材藪。高風長不沫。千春薦香茹。

六哀詩

杜少陵作八哀詩以寓嘆舊懷賢之意余少也
賤多藉老成獎拔得稍聞於時中歲歸田不能
躋高官顯秩以報恩施副期許此心常耿耿焉
今老矣若不及身記述則諸公高誼將付之漠
然何以自安也爰仿少陵體作六哀詩使子孫
識之

父執杭應龍先生

識士於未遇。援手已高誼。不論遇不遇。煦沫情更摯。際
余少偏孤。子立四無倚。饑窮食不給。飄蕩學且廢。童蒙
不知愁。尚逐羣兒戲。先生先子交。視如親子弟。為營授
徒館。俾作養母計。兼令兩郎君齊川共涖下帷肄。時先
生心豈謂可成器。正惟無所期。垂憫乃真意。及余得官
歸黃鑪。已長逝。生有涸鮒恩。死僅隻雞祭。疎牕一間屋。
是我館餐地。短屏數行書。是公格言字。往蹟一追思。枕
席淚尚漬。所幸有子孫。通家往來繼。雖嘗分薄少。百未
酬一二。及余老未死。作詩誌高義。聊比柳州石表先
友記

故吏部尚書汪文端公

東坡出歐門。一日聲價長由來。士未遇必藉老成獎。吾

師松泉公。一代斗山仰燕許。大手筆高名塞天壤。庚午

主京闈。余方掉詞鞅。薄技謬見知。遂登京兆榜。時五經卷二場例試

漢詔唐諸公獨取部作進呈尋招入平津林亭極疎敞。佳兒付我課。今總憲公奇

書恣我賞。得窺美富藏。彌曠見開廣。有時大典冊。副墨

命擬倣。初猶不中程。塗竄至三兩。余矜踈蹠。才遭抹欲

稱。枉久而益服。公文心戒鹵莽。自此窺津梁。古學騁詆

蕩。一官直樞曹。仍喜侍函丈。入揮制草麻。出扈屬車輜。

戎帳夜對談。有如其績紡。殖學期有源。立品貴無黨。語

深忘就枕。每跋殘燭。朗情同骨肉。親誨極言論。讜無何

梁木壞。偃偃吾安放。生平幾知己。恩况兼教養。龍門借

虛聲。鯨鐘導洪響。至今五十年。竟猶接夢想。百身悲莫

贖。九原痛長往。尚喜哲嗣賢。曳履雲霄上。當其入仕初

曾代籌運掌。至今駟馬門。或稍慰靈爽。

故公相贈郡王傅文忠公

段操鞭學士。絳灌惡賈生。古來王侯貴。蟻視寒儒輕。傅

公起怯薛。璇霄佐昇平。讀書雖不多。胸有千古橫。會選

西樞屬。余亦備品評。顏狀既鄙野。言語兼荒倉。同官共

目笑。公獨鑒樸誠。試以著作才。一揮七制成。遂邀愛逾

等青睞超羣英朱提贈十流豐貂輝冠纓屢荷白金貂皮之惠谷深

起眾忌媒孽設險坑公默燭其誣但戒賈豎爭輟直未

一載仍聽神索聲及余入詞苑已非公所臨猶於

黼座旁時時說賤名爰蒙御屏記一麾出專城會公

討緇甸余亦來從征得復叅末議易地駐援兵時議分偏師從普江進以

余言改駐蠻暮為江外大軍應援惟有渡江策不能阻公行公議渡曼鳩江冒暑進兵余以路險瘴盛力阻

其行不從冒瘴涉洪濤人馬斃郵程尚賴偏師完隔江發櫂迎

阿雲巖將軍在蠻暮具舟渡江迎公歸公竟染危疾還朝遽奠楹嗚呼公之亾

朝野咸悲縈豈少一腐儒私為血淚傾第念公門館何

限名公卿乃獨於薄劣數加拂拭榮此情何可忘事往

心猶振千載西州門羊曇同此情

故都察院左都御史觀文恭公

古有愛才者說士甘於肉非博宏獎名實出嗜好篤吾

師總憲公素無一面熟偶從甥館處見我詩數幅遂枉

車騎臨不使前顏歎公於合婚温官詹處見拙詩遂枉駕見訪自茲得從游往往趁

休沐扈蹕為選駒獵場過奔鹿每歲秋出塞大獵公監放官馬特為余選良駒辛巳試

禮闈公握衡文軸摸索在暗中竟得李方叔自詫一斑

管不迷五色目金門旋對策已占蓬頂獨神山風引迴

猶列鼎三足迴翔清閒地無由脫穎速公方領詞館典

策輒見屬進御例奏名得邀乙覽燭此段援引意暗

中寓推轂

翰林撰文例書姓名進御故公屢命余屬草

計典况居最

京察列余一等

頌詞更選

錄

萬壽詩冊特為入選

井底青雲梯謂可霄漢蹴邊郡忽出守永辭

木天屋負公期望殷詩筆換吏牘才有文字長命無公卿福公旋騎箕尾我亦返耕牧迢迢憶絳帷未奠芻一束作詩記恩私長歌以當哭

故相劉文正公

一代秉鈞衡數不勝屈指獨論柱石臣落落能有幾吾師表東海間氣出英偉鐵石宋廣平模楷李元禮華岳立秋隼百鳥不敢視直聲震天下至今雷貫耳易名比君實萬口同一唯生能重朝堂歿更光 國史嗚呼相

業高非可一節紀我昔客公家每飯共素几

公門無雜賓日與余共飯陪侍

者公子今相

國石庵先生

得習聞緒言披豁無城壘欲以身作霖先恃

心如冰此段得力處竊幸窺根柢公家子敬書臨池擅

絕技

石菴公時為孝廉最工書

我嘗摹彷彿之公笑頗形似後公贊樞廷

我又供役使

公為軍機大臣余先以中書舍人在直

及辛巳對策恐坡識李廌

私改舊筆迹另作率更體公果不及知拔之冠多士

余素

習石菴書及廷試恐公以素識避嫌另作歐陽體勝卷公果拔為第一進呈

大魁雖旋失虛名自茲起士

當貧賤日每恨無知己何期爨下薪蒙賞斲焦尾馬既顧空羣蠅不煩弔死此情何能忘回首淚瀾瀾

故公相阿文成公

我昔直西樞與公為同官公旋出領兵赤手縛樓蘭

青

維卜之變
公往擒之

自此每戰伐無不在行間滇南與緬役拜公大

將壇余適來從戎參軍媿鱗蠻幕府一握手商畧誅冥

頑建議輒昭合圖易先思艱明年經畧至

傳文

忠公總統王旅

嘽蜚語或間之嫌疑微有端意見稍岐互何以濟艱難

余以舊屬吏委曲寓轉圜事既切同舟結須解連環敢

撫桓伊箏聊破彌遠鑽以茲用意密知我心力殫後公

終獲譴羈留騰衝關二子戍兩粵余又措之安迨公重

作帥金川奏凱還策勳爵上公禮絕鷓鴣班余時已歸

耕不復達書翰猶蒙記疎賤寄聲到江干使節適南來

稽惟喜再攀公色愀不樂嘆未能除奸余謂大權滅正

保令名完公時聞我語豁達開心顏至今身後名果然

定蓋棺當代第一流青史媿富韓繫余老菰蒲萬事死

灰寒豈復援鉅公藉作嚇腐鳶顧惟平生誼金石有不

刊地雖隔雲泥情實傾肺肝作詩感存歿曷禁涕淚潸

論詩

作詩必此詩定知非詩人此言出東坡意取象外神矜

羊眠掛角天馬奔絕塵其實論過高後學未易遵詩文

隨世運無日不趨新古疎後漸密不切者為陳譬如罟

駕馬將越而適秦灞澆終南景何與西湖春是知興會

超亦貴肌理親作詩必此詩乃是真詩人

重過虎邱題三賢祠

虎邱祠前賢其論自我翔三年復來過雄麗果殊狀酒樓低翠巒畫舸隘晴浪裾屐紛往來沸聲日夜壯遂使久湮迹頓豁心目曠三詩人千秋一土阜萬丈卻笑建議初本意標所尚庶幾鄒湛名得附峴山上庸知傳世難非可門戶傍試問衆遊人已把老夫忘

揚州留別諸同人

我初客揚州詞流盛裾屐流連文酒讌徵逐最酣適何期數載間多已墓草碧過江一訪舊淒絕山陽笛尚幸

四三人畱待續陳迹四海曾靈光端推謝安石

十科前輩年八十有六東陽雖稍瘦其氣實曠惜既登吳均正強仕行

即赴朝籍杜村工詩玉溪生高論每翺獲詩相見各無恙

不覺手加額憶自來邗江所交皆素識前後十餘年不

曾添一客新知既不增舊好又頻失利此幾晨星得不

倍珍惜諸公同此意更番展密席雜坐竝飛觥近游偕

杖策依然觴咏地光景追曩昔臨分期後會預約鄭莊

驛年年看花時來此一浮白

戲老

龍鍾老年人未死先作鬼鬼者人所畏遇輒思遠避老

人亦復然。所至令人悸寒。松骨凌兢。凍黎面垢。臍自然生威嚴。非必性情戾兒。怕責淵明。妾不媚鄒忌。一聞曳履聲。先托下帷肄。偶逢少年客。寒暄語未既。察其眉睫間。早露引退意。何況婢僕輩。聞呼強一至。勉効趨走勤。貌恭神已異。只有諸童孫。貪翁含飴餽。飼辟呬時一來得。食又掉臂嗟哉老。至此衆畔親亦棄。雖尙廉頗健。已同伯有厲。應號活死人。謾語聊自戲。

中庭坐月忽一女孫言月大如酒杯不覺駭聽因
歷詢諸孫及婢僕輩言人人殊有同謂如杯者
有如鏡如碟者甚至有大大如盆益者乃知眼光

各自不同也余年七十四向未知此今因小兒
女語乃得之然則近在目前而所不知者多矣

作詩誌之

舉頭見明月大如五寸鏡謂衆目皆然圓規有一定忽
聞小如杯兒語實駭聽因之遍諏訪令各說圍徑細比
半兩錢大至尺口磬始知眼光異塵根有殊性譬若長
短視遠近相去負花看霧中昏毫察秋來炳卽事悟學
功格物非易竟老夫年七十識月猶未盡如何執成見
輒負鑿裁柄

夜不寐作

崢嶸火雲高。日落半空赤。城居少林蔭。因此炎歎迫。捲
簾候夕涼。鬱熱或暫釋。四垂無纖風。仰視天正碧。月光
日所映。返照有餘赫。滅燈聊暗眠。裸脇貼地席。羽扇幾
脫腕。絺巾且漑液。忽焉癢如疥。萬癩凸膚革。飛蚊又來
嘬。舉手急一拍。狡捷倏已逃。徒自打頭額。嘻乎此夜中
直比入甕炙。卻憶西南天。烽火正絡繹。溽暑蒸臭穢。遍
野腐齒積。吾儕幸安居。尙嘆爍金石。兵燹彼何辜。感時
一悲惜。

書綿州牧劉慕陔守城事

綿州有舊城。地扼潼川渡。垣墉圯已久。履屐可平步。蜀

賊方蔓延。州守早卻顧。先期集版築。百雉屹鐵鑄。城成
賊隨到。殺氣振烟霧。百里避難民。望城作生路。開門聽
其入。赤子得慈父。衆志本成城。有城志益固。弩臺鼓機
括。戰格列檜柩。賊方盛氣吞。唾手拾倉庫。梯衝百道來。
墨守綽有裕。丁男畫地戰。婦女送餐哺。矢石所及處。仰
攻悉顛仆。粉堞俄成赭。盡是賊血污。相持三晝夜。救至
始解去。偉哉保障功。活人已無數。向非憑堅城。仇離衆
易護。緊茲應變材。衝要端可付。書之風百僚。武功出儒
素。

偶書

老尚手一編丹黃勘不置若以聖學論亦玩物喪志其如結習深舍此心曷寄老鼠慣搬薑蠹魚喜食字藉遣時日閒兼飫性情嗜譬如呼盧盆不過寓遊戲奈何技稍工又想以傳世

兩耳未甚聾已難別宮徵與客坐對談惟恐失條理內則以意聽外則以目視目光所疑注不誤談娓娓雖無顧曲精亦免隨口唯一笑雙明瞳乃爲司聰使人以耳爲目我以目爲耳

香山與放翁晚歲澹容與語語不畏死正是畏死語死者誰不畏豈真去得所吾惟任自然不迎亦不拒食不恣老饕眠不厭獨處雖非卻老方或是養生主住則樂爽鳩行卽捨逆旅

書放翁詩後

放翁志恢復動慕臯蘭塵十詩九滅虜一代書生豪及開禧用兵年已八十高設令少十年必親與戎韜是役出卽敗輕舉千古嘲公若在其間亦當帶汁逃天特善全之仕隱皆奇遭無事則恤緯有事已善刀

茅山紀遊

句曲古洞天距家二百里年耆尚未到塵俗真可鄙今朝忽興發奮決枋榆起買舟旣風順登陸適雨止昇籃

兩輿夫脚過茅狗駛遙指大茅峯直上青冥裏屈盤十八折疊磴何人始每當一折處輿夫劣容趾吾身已在空下瞰怖欲死千丈倘一落直作壘粉耳自笑老何爲乃冒險若此

時當二三月羣禮三茅仙江國千里內男婦盡翕駢不到頂不止欲表方寸虔十步九喘息力憊志益堅乃知求福心不惜性命捐峩峩九霄殿登降紛摩肩棟宇熏已黑總是梅檀煙雖曰愚民愚究是神使然其身已登真傳又千萬年匪惟大名垂兼攝衆心懸嗚呼彼何人占此福力全

名山湛清華惟在水與木有水山不枯有木山不禿茲山乃兩無但見春草綠不知古仙人胡爲此栖宿及觀曉雲生譎詭盪心目或如孤煙輕或如濃霧濁其出也無罅氣透毛孔肉蓬蓬四飛揚滄然滿巖谷罡風吹不散俄又聚成族乃知茲山靈地肺通天腹所以三茅君子焉吸清淑

同人預訂牡丹之會稚存不待花開輒折簡邀集作此戲之索和

借花作飲資借飲爲詩地此亦退閒人居鄉一樂事山茶旣開尊海棠又舉觴預期牡丹時再續花下醉先生

乃不待老饗急欲試枝頭方繭栗折簡遽邀致由來不
羈人作事必奇氣仕宦甘勇退雞肋竟輕棄遊讌乃躁
進未卯輒早計吾笑謂先生此酒爲花貫有花則成賞
無花則空費待取花開時須補郇庖治

今歲桂花甚遲九月望前始大開而菊花已爛熳

矣戲效香山體簡稚存

菊花稱晚節於桂猶後輩向來不同時桂謝菊始代胡
爲今年秋兩花結同隊方賞籬豔舒尚喜天香在桂有
香無色借菊發精采菊有色無香借桂出醜濁菊非貪
躁進桂豈昧勇退或爲吾二人同處寂寥內君含老圃
容肯伍几粉黛我畱小山叢亦壓賤菅蒯共支風露天
一掃胭脂態得句箋互賡談心牀共對相期保歲寒論
交久可耐

靈谷寺

崇閎古招提背倚鍾山麓平岡左右抱陰翳萬樹綠山
門到堂廡鞭馬嫌不速中恢無梁殿制彷彿古陶復累甃
代棟隆穹作層阿屋旁有琵琶街屢響賽琴筑最後功
德水趵突地底伏憤盈一湧出直上三丈竹鐘魚腫僧
顱丹碧眩鳥目當年誰結構巨麗壓坤軸聞昔寶誌公
窆骨占靈隩明祖欲借之墨不食龜卜三百六十庄特

賜作湯沐遂啟茶毘藏。跌坐容尚穆。地靈體不壞。指爪
長繞腹。遺蛻竟奉遷。改瘞此巖谷。寶刹斯莊嚴。知費金
幾斛。維時戡亂後。血沸戰鬼哭。於茲建道場。普度虫沙
族。迨夫永樂初。復薦考妣福。法王哈立麻。遠迎自乾竺。
七日無遮筵。薰天衆香郁。甘露祇樹凝。慶雲觚稜宿。至
今傳盛事。談者舌猶縮。信哉誌公神。百世能預矚。留此
一牛鳴。巧中帝王欲。貪念圖窳窳。雄心侈土木。總在逆
料內。增榮肉身肉。葬同糝里智。摸避曹瞞毒。噫嘻彼何
人。擅此神通獨。

偶書所見

老尚手一編。藉作消閒計。或謂今生書。可爲來生地。樂
全未了經。香山之無字。皆自夙世來。徵驗若左契。我聞
喜不寐。一讀便兩世。卻笑老健忘。掩卷已不記。及身尚
如此。遑問他生事。
墮地第一聲。開口便是哭。可知有此身。卽是苦所伏。維
苦斯活身。手足供口腹。其理本公平。習勞以養欲。乃厭
四體勤。專想飽且煥。試問從何來。召苦必更速。世上苦
人多。總爲貪享福。
無貴賤。何歎無富貧。何疚君看飲啄禽。千古少爭鬪。人
則等級殊。榮利百般誘。遂起貪忮心。智力角勝負。小則

滋訟獄大則興甲冑好醜兩相耀殺機遍宇宙吾將問
真宰此害誰任咎

才士好自負謂人皆遜予豈知有心人弗肯高自居君
看甫於白愛慕終不渝昌黎遇東野名位已迥殊乃輒
推爲龍願作雲前驅是知集益勤其心彌冲虛惟知不
如人是以人不如

竹初齋中建蘭盛開招同立菴瑩溪稚存香遠醺

集卽事

賞花各有宜氣味貴相感蘭邊置酒肉見者心一飲是
宜初佩供未可把杯覽胡爲對清芬召客快一噉開筵
羅肥鮮水陸靡不擘毋乃大嚼奢弗稱素心澹豪舉歷
幽芳岳正好大膽由來主人高品共吮香蒼崔遠俞座
黎庾泉出水菖臭味無差池如山谷嗜攬因之腆治具
濃淡兩不揜唐突西家施此事只君敢贏得老饕狂饑
搜腹填坎花前忘形穢飽啖聲有噉

借月和尙以其名乞詩戲贈

月出照萬方光普何必借旣免束縕乞亦省鑿壁假云
胡以借名欲豎昇天架山僧本無求心空萬緣罷燃糠
勤何用囊螢功久謝將欲譜霓裳安有法善駕將欲折
桂枝恐被吳剛罵乃竟不自量妄向清暉賞豈作夜亮

木隨身光四射或誇夜明珠照乘珍無價婦娥聞之笑
此僧愚而詐殆謂虛空中雖欠不索債卽此貪痴心其
罪不可赦罰守琉璃燈不許風吹罅吾試爲解鈴安汝
毘耶舍昔有韓道人與客泛月下團瓢昏月光頻向筠
籃瀉後當無月夕放出光滿榭與客讌盡歡朗勝燭燃
樺是真能借月神通出變化君果擅此術吾當驗黑夜

靜觀二十五首

大易論天道恒久而不已此從後天觀未究先天始試
思混沌中積氣一團耳誰鑄陰陽爐一一析條理寒暑
運有期日月行有軌成法旣一定萬載勿改徙橐籥太
極先天地亦聽使是何大神通預創鴻濛裏其來必有
自其故莫能擬

謂氣從理出衆口同一辭理從何處來非虛懸兩儀有
氣斯心知有知斯是非是非方是理而氣已生之豈非
氣在先學爲理之基况或理所無而爲物所有有知變
無知連理本不朽無知變有知老楓或成叟試問此何
理磅礴出氣厚爲語諸腐儒陳言未可守

蒼蒼非正色天有氣無質旣無質可憑不比地踏實日
月何以行軌塗百無失星辰何以繫宿離亦不貸使非
有界畫安得無越軼界畫在虛空又何處著筆吾將問

司天推測倘有術

人氣有出納。一刻百呼吸。天呼吸在海。日只一潮汐。幾疑天氣遲。不如人氣捷。豈知天一噓。十萬里而遠。惟其太遠。關遂覺稍紆。緩鵬鷄同一遊。固難其往返。

日西沉。虞淵宜可稍休息。乃復連夕馳。東出寅卯刻。是知晝夜忙。不敢惜其力。獨念太極理。動靜每互根。唐堯古神聖。耄期亦倦勤。何以曦馭速。一息無停輪。吾恐千萬年。不免畧欠伸。思窮忽大笑。此憂真杞人。果至天倚杵。汝身在何處。

兩間最恨事。莫如天不言。初疑天省事。不耐聒擾煩。豈知蒼蒼表。但以大德敦。其餘生殺柄。固各有司存。陰則冥司報。陽則王法論。使必親告諭。安得許舌根。况彼大九州。唯喏不勝繁。勢必遍學語。始可訓諄諄。天亦當大笑。吾將譯羌渾。

日月之運行。以東西爲程。寒暑之早晚。則南北爲限。吾嘗出塞北。八月已大雪。又嘗遊滇中。冬至桃花紅。江南黃梅雨。京畿在大暑。閩南臘月蚊。浙東蛙。春分此皆身親歷。非自傳聞得。大概氣早遲。百里一日差。以此計天咫。三萬六千里。然而南海南。不知幾暹眈。以及北海北。不知幾獯羯。重譯所不通。氣候更難窮。所以雖聖智。六

合外不議

人。沒。水。則。死。魚。乃。生。於。水。人。埋。土。則。閉。虫。乃。穴。於。地。可。知。芸。生。饒。各。自。路。一。條。大。氣。所。磅。礪。水。土。無。不。包。在。水。水。氣。盛。在。土。土。氣。旺。物。從。此。氣。生。卽。以。此。氣。養。遷。地。弗。能。良。受。性。固。各。爽。但。觀。種。類。殊。彌。覺。化。育。廣。

真。宰。果。有。權。陰。陽。能。獨。擅。應。只。儲。祥。和。不。復。布。戾。悍。人。有。正。無。邪。世。有。治。無。亂。物。不。生。蜂。豺。歲。不。降。水。旱。而。乃。冥。冥。中。不。能。盡。如。願。由。來。此。大。塊。二。氣。所。塞。徧。有。陽。必。有。陰。其。力。各。參。半。不。死。安。有。生。不。寒。安。有。暖。雖。以。造。化。功。不。能。徧。於。善。不。見。一。日。間。晝。明。而。夜。暗。

物。物。皆。天。生。自。兼。陰。陽。理。及。至。人。爲。者。天。何。所。施。技。乃。如。織。紗。綾。自。然。有。表。裏。甚。至。寸。紙。薄。背。粗。而。如。祇。始。知。正。氣。遍。無。不。爲。所。使。陰。非。專。正。惡。陽。非。專。正。美。兩。不。能。相。無。一。又。分。彼。此。此。中。造。化。微。眼。前。卽。可。指。避。網。魚。潛。淵。避。弋。鳥。遁。風。貪。生。而。畏。死。萬。物。無。不。同。啄。蟲。雞。得。食。擇。肉。虎。供。餉。損。彼。以。利。已。萬。物。亦。無。異。人。寧。獨。不。然。莫。勿。圖。自。全。有。害。輒。思。去。有。利。輒。欲。專。聖。人。立。人。道。乃。力。矯。此。弊。有。殺。身。成。仁。毋。見。利。忘。義。雖。則。慚。於。理。多。不。便。於。身。所。以。莊。周。言。仁。義。能。殺。人。

習聞古人語天生物養人不曠覽字內豈知天至仁卽

如食需鹽煮海給數省海鹽不到處別有池與井

滇蜀鹽井秦晉

鹽池戎羌無井池晶鹽自生境

戎番掃地皆鹽色如水晶味極佳

又如漠北地

寒不生五穀偏有好水草供其廣游牧草以養畜命畜以飽人腹即此可類推何況用五材天之於斯人亦太厚矣哉

洪荒甫一闢即強食弱肉飲血而茹毛久已習成俗人多物難供益之以五穀木棉出近代亦以代蠶蔴此皆天苦心欲稍減屠戮或笑此論迂謂北有獯鬻殺生以為糧豈能禁剝剝斯語亦未然吾嘗問戎族肉食惟會長餘皆酪充腹日烹羊馬乳晨夕當饘粥乃知羶臊鄉亦稀宰割酷

余嘗問降夷厄魯特據云肉食惟會長飽之餘則日飲酪漿至過節祭先始一肉也

天生萬物初一物付一性芥薑辣難嘗鷄鶉勇易競傳種千萬年不改胚胎孕種一日不絕性一日不更是以付物始一付事已竟惟人則不然熏習有不定或先賢後奸或始邪終正沈充身從逆幹蠱乃有勁盧奕抗賊死子則藍面佞天亦無奈何又無轉移柄激勸整齊之此權聽王政

人物其此字惟鳥去人遠凡跂行蠕動近人固難遣只除六畜外餘害人不淺無論虺螫毒無論豺虎螫蚊蚋如苾微蠟毛比絲軟一中人肌膚痛癢輒不免吾方怨

天。公。人。幾。被。物。鬱。卻。思。人。戕。物。恣。睢。更。無。限。搜。皮。到。狼。狐。取。肉。及。螺。蜆。是。知。人。與。物。相。遇。各。屠。剪。並。育。不。相。害。此。語。恐。非。典。

五材民竝用火於人尤切上自鳥雀繁下至蟲魚鱗飲冷而食生不聞病膈噎甚至蠶生冰更或蛆出雪自能孳育蕃不藉烹飪熱惟人稟天陽氣母用易竭火食以益之始補丹田缺可知炎上者專爲人而設奈何資以生輒不知撙節但快已貪饕弗顧物夭折所以杜甫言燧人之禍烈

人視衆蟻羣同形無分別蟻在其羣內又各自辨識不知蟻視人可能認一一大比眼有光各隨身大小大視小則蒙小視大則瞭雖有離婁明不知蟻螻蛟何況小視大一覽自了了所以顯微鏡西洋製最功能拓小爲大遂不遺忽杪

大撓造甲子初但以記日兼記歲月時至漢始畫一干支配五行尤出方士說乃以推生命及凡擇凶吉就其生尅理參以推算術趨避前民用往往百不失豈非廿二字早默括陰陽信哉古至人神明過倉頡

王者制刑法輕重無弗備虺蝮肆陰毒豺虎逞狂噬何不設一律使之畏而避乃自臯陶來竟無此條例是知

生殺權僅能攝同類威力所不及神聖亦無計

燈光所不照室暗無所見暗中視照處乃無一不辨是

暗能視明明不能視暗因悟陰陽理陰包陽過半陽事

陰必知陰事陽難斷人不見鬼神卻被鬼神看是以古

聖王精心創幽贊祀先虔致齋享帝嚴殷薦報賽巫舞

工禱祈祝詞善豈徒借設教冥契實有驗千寶無鬼論

固出自狂誕

世傳張道陵能造符治鬼吾心竊疑之從何奉天旨遂

如定法律幽冥咸聽使及試請乩仙乃知非虛詭曾逐

回道人瞬息來千里吾默思一字彼已書在几先我半

字功捷過駒隙數演幕亦設乩竟遇曳白子吾思一字

成彼方振筆起困之以不思彼又停筆俟此實我親驗

降壇虛空裏靈蠢雖不同神竟有不死楚俗祝由科村

巫圓恍技萬事無不有未可臆見揣余在京時王孝廉殿邦來設

字余默以意續之纔動念而乩已書即余所思字也及在滇南將軍果毅阿公子豐
公亦能請乩乩筆動而不成字余試代思一字乩即書之余又以不思困之果筆動
而不成字遂默為足成一絕此余所親試也然余所思字初不出口余亦未嘗手
扶乩但一念動而乩即知惟回仙常早半字頃演鬼則余思一字方書一字耳此
不得謂無其事也

漢王父置俎倘竟遭慘烹後雖成大業終負不孝名葛

王妻被召倘竟受定情後雖正宸極難雪此醜聲兩皆

有天幸一死而一生妻不污釧盒父亦脫杯羹乃知有

道昌天默與玉成

古來稱英雄大都出戰功其中亦有別難易各不同時
當開國初兵威如虎熊所至輒摧破策勳爵王公固由
謀勇奮亦乘氣運隆惟有喪敗日力措咄危中睢陽人
肉盡崖山海血紅明知勢不敵百死堅孤忠舉事雖無
成浩氣貫白虹視彼褒鄂徒恐無此英風

古語每易傳雖誕亦流布日中有金烏月中有玉兔嫦娥奔月藏夸父逐日步精衛溟海填織女銀河渡何一
非調言不值一唾吐乃相傳至今舉世作典故後人苦
效翠小說出無數勞羅極諾臯瑣記到堅瓠徒費鑿空
撰會莫有一顧為語好怪人杜自用心誤

兩間無用物莫若紅紫花食不如橡栗衣不如紵麻偏
能令人愛讌賞窮豪華詩詞亦復然意蘂抽萌芽說理
非經籍記事非史家乃世之才人嗜之如奇葩不惜鉢
肺肝琢磨到無瑕一語極工巧萬口相咨嗟是知花與
詩同出天菁華平添大塊景默動人情誇雖無濟於用
亦弗納於邪花故年年開詩亦代代加

詩以道性情罕有說理者歐北五古論事論史已獨闢一境茲更以詩說理
橫說豎說皆未經人道而昆刀并剪無一腐語無一俚詞尤是獨絕處 保泰

借王仲瞿孝廉蔣于野秀才游洞庭東西兩山時
吳縣湯明府為治裝

足跡半天下南戒徧登眺家鄉有名區垂老乃未到枉
自稱好遊將被向平笑邂逅天假緣偶泛吳門權洞庭
近百里山靈默相召辦裝有賢侯結伴得同調遂果此
願償湖山領佳要胥口布帆開一鷺已前導

洞庭本湖名今名湖中嶺七十有二峯東西列屏整聞
有靈威書禹跡藉導引鴻冥角里村龍隱柳毅井明知
語荒唐烏有如捕影卻因流傳久典故千秋永遂令好
事人雖幻亦引領豈慕湘瑟鏗寧尋鄂被冷一聞茲山
名恍在九疑頂微雨忽空濛恰作瀟湘景

探奇先東山村落何葱鬱田少人戶多不供一頓粥卻

因營貿遷術善操盈縮遂多擁高貲鱗次總厦屋其俗

况淳朴目不見可欲隨時山有果過午市無肉相見各

愛敬善氣藹可掬人間真樂郊安得一椽卜

莫釐最高頂俯瞰全湖光三萬六千頃滌浙盪我腸其
下多奧區妙又在隱藏面湖忌淺露每借山爲障山所
不障處護以竹木蒼最好古雪居濃綠森千章不知上
有天竺覺翠幕張清風颯然至毛竅俱清涼何當來結
夏快此披襟當

西巘有絕壁其腹忽嵌空不斧鑿而破不棟杗而穹造
物亦好奇傲人智力窮創此無梁殿辱豁占百弓仰睇

衆。魂。礪。一。倒。挂。胸。壓。卵。倘。一。落。命。在。藎。粉。中。巨。壑。終。
渾。成。萬。古。含。絳。籬。遂。覺。此。頑。石。八。面。開。瓊。瓏。團。團。質。雖。
蠢。混。沌。竅。已。通。不。知。命。名。初。何。以。呼。石。公。

林屋古洞天一穴入地底相傳通峩嶇誰與證遐軌我
來秉炬探實可五六里蝙蝠驚火光撲面亂飛起其下
坎陷處膝行不得跬匍匐泥滿身笑比負塗豕過險又
空濶一喊甕聲唯恐有饑蛟藏口饒奮舌湯老膽亦生
怯路恰隔片止洞盡處有隔片二字王整所書迴身作猱升經時始見晷乃
知向所歷湖在頭上矣

昔有席允來湖樓寄嘯傲乘興泛湖回放鶴先歸報紅
粉盡出迎笙歌兩行導又有徐尚書宦成得予告猶令
修官書設局此巖隩號召諸名士全集赴蘭棹嗚呼彼
二人一富一貴要各擅意氣豪湖山增照耀至今訪遺
迹已無地可弔何況我輩來偶然快登眺他年鴻爪痕
誰記王蔣趙

到揚州沈旣堂前輩畱飲話別兼訂蘇杭之遊
我昔客揚州詞館列末座有酒必互招有詩必共和春
花接屐探夜雨對牀臥生平朋簪樂興發不暇情何當
二十年十九入楚些俯仰一傷懷駒隙蟻行磨今茲再
來遊碩果公一个人以罕見珍得不當奇貨喜公精力

強豪氣弗稍挫書燈久逾味詩牌日有課

公自號味燈老人日以詩牌集字得句

足覘老不衰耄耄可預賀我也雖後輩馬齒乃較大亦
幸腰脚頑未至憚勞瘴相見各無恙喜極淚翻墮人當
暮年來萬事付一唾惟此故舊情入骨不可判一尊軟
脚筵不覺成久坐明知後會稀且禁勿道破安知古俗
喬不是我輩做臨分更先訂蘇杭秋換柁我歸當掃門
佇候蘭橈過

舟過召伯埭

泝流送故人正值秋濤壯召埭地勢窪眾水所畢向河
湖乃混合線隄弗能障隄外本村墟俱入湖光漾其有
未浸者四面空所傍但見樹影浮漸少炊烟煬可憐編
葦牆半截已在浪米鹽何處求出入憑兩漿嗟哉昏墊
民長恐魚腹墓當年謝太傅胡為築城伉想當典午朝
天壤尚平曠淮流獨到海不向此奔放自從河南徙淮
無路可讓翻借清刷黃洪澤作水藏高堰有危急尾閘
洩怒漲遂令下流地原隰入漂蕩生無餬口田死無埋
骨壙我來一櫂過驚波白瀾望水不行地中船乃坐天
上

歸途阻風

歸舟遇逆風所恃順流捷水為風所捲順流亦成逆遂

覺風與水兩力併一扼。清淮十丈河。學作海水立。濺浪劈面來。白日擊霹靂。水撐兩篙彎。岸挽一緯直。邪許力已盡。進寸尚退尺。山來年運衰。動輒有阻格。姑令椽杙待。勿與爭旦夕。已甘錫退身。寧競鶩趨逝。敬謝風水神。微命不足嚇。

戲書

豈不願作達出身。本陋巷經歷艱辛多。遂入愁魔障。卻看少年輩。意氣何豪宕。行樂恐後時。追歡窮所向。老者寸腸結。少者兩眉放。一笑孔聖言。有時或多爽。君子長戚戚。小人坦蕩蕩。

送劉石菴相公還朝

昔歲在己巳。我初客公家。謏劣不自知。跳擲矜井蛙。公為發其覆。導之指南車。我雖未肯降。默已開心芽。夜談剪絳蠟。晨餐怯肥羜。每共飯余嫌羊肉。羶公特善啖。當時從游樂。聯翩接翅鴉。先後筵詞苑。才思紛天葩。公獨結

主知不藉門第華。敷歷遍中外。入相宣黃麻。我從解綬歸。胸次忽槎枒。妄思鑽故紙。不慕建高牙。自此音塵邈。霄隔泥沙何期四十載。重接笑語譁。乞假為親壽。南道里遐遂。使林下踪得復披。絳紗喜公八十五。老健杖不孥。亮節表臺閣。高名朗雲霞。餘事到揮毫。蘇米不

足誇他年青史傳粹然無纖瑕而我一無成俯仰祇自
嗟送別臨河千離緒豈有涯心逐輪蹄遠目斷烟樹遮
倘再期後會毋乃願太賒惟當晚節香為公歌黃花

余簡稚存詩有縱不千年也百年之句稚存答詩

嫌百年太少蓋其才已獨有千古也再簡奉酬

少陵見同輩不輕許必傳千秋萬歲名只屬李青蓮李夢

白詩有此句自揣身後名亦云垂萬年蜀中詩丈夫垂名動萬年其他高岑徒

但賞十數篇由來才大小可預定衡銓我才本蹄涔大

名未嘗暇姑以百年計猶恐光易闔君也十倍才出語

破萬膽橫矛奮一呼決死戰誰敢已視一世空曾輕萬

里貶笑我目寸光固難共遐覽而我私自喜得為君執

鞭昔唐有韓孟雲龍兩連翩宋亦有蘇黃旗鼓相周旋

至今四勁敵輝赫在目前固知聲名播兼恃氣類聯孤

掌最難鳴雙飛乃易驚與君共詩國查初白詩毘陵自古稱詩國狎主齊

盟壇已令天下士趨風快睹先稱君必及我纍如貫珠

連藉君光燄長挈我聲價懸蒼蠅附驥尾一日路亦千

不朽竟分我竊有厚幸焉

初用拐杖

暮景忌頹唐作意自抖擻氣矜尚外強步已不敢苟惟
恐一不戒或至蹉跌偶卽此是衰徵惟當歌鼓乍何來

柘一枝質輕力則赴老比萬年藤勁豈三眠柳短長剛
及腰徑圍僅如拇根腫自成鳩可以佛其首刮磨到瑩
澤槎枒不覺醜攜之當給扶便捷得未有用在股腳外
功出僮僕右遂成鼎足三何須筇節九雖難躡壁行可
穩循牆走蛩蛩負駝蹠蹠逐茅狗我年屆杖朝卅載
林下叟已輸佔地先寧慚落人後祇憐步蹢躅憑誰托
衰朽幸茲木上座晚作歲寒友遑敢捷爭先誓將交耐
久所嫌把握牢尚煩臂指肘添得一條腿佔去一隻手
右手忽患風痺食指中指不能把筆將成痼疾矣
昔偶中風痺尚不關血氣兩指今不仁竟難使以臂要

害况在右坐令百事廢枉負巨擘稱謬忝中權寄書窗
一把筆尤苦入重隄由來筋力衰消息早暗遞老樹雖
尚繁一枝已先萎迴憶年少時作力何須蟲捧日擎青
天直欲隻手試漚麻李陽拳白打肯誰避寸晷輒萬言
一揮亦七制淋漓盾鼻間腕脫未告瘁庸知入暮年默
已減生意枯皮裹瘦骨軀殼久漸敝精氣貫不到先已
折一翅昔輕百斛扛今重千觔墜若或掣其肘牽絆力
徒費敢鬥拊陣酣只供肱枕睡偶然一濡毫冀托翰墨
戲離披偃風草槎枒觸眼刺翻似蜩斗竒或類蚯蚓斃
可憐斛律金竟不成屋宇一紙糊塗帳笑我亦不記

暑夜納涼孫男女七八人爲我敲背衆手竝舉雜
選無序亦一樂事也戲書

暑夜坐納涼月陰度簾幕七八孫男女憐我太寂寞如
蕪小兒拳都向。鯨背拍雞肋不足當幸非李陽惡爭先
試技癢不禁喜躍躍也無先後序竟似叢毆虐或纍如
貫珠或碎如飛雹重輕紛不齊疎密相間作就中有點
者新意壓筋絡按摩到臂腰爬搔及股脚陋彼吐納方
元牝竊秘鑰禽戲尙矯揉熊經亦隔膜茲獨暢肢體導
引勝良藥欲勞以含飴。口衆難遍嚼慰之好言詞私心
實懷怍。一笑兒女累向恐塵鞅縛爲祖二十年始識有
孫樂。

稚存招同里中老人孫上舍葆舒年九十餘八十
吳上舍俊臣七十家味辛司馬六十皆取成數
其餘吳封翁書屏七十八楊刺史述庭七十七
吳封翁簡齋七十五劉瀛坡總戎七十三竝以
次列坐主人亦六十一矣鄉邦此會頗稱佳話
與諸君同作

香山九老圖洛社耆英會白傅富鄭公會主本耄艾稚
存六十一齒序尙未逮豪舉忽盍簪似欲附我輩計年
取成數餘皆七旬外思邈病未來未書我遂忝居最斯筵

應我設乃煩破慳代維時正作社殘雪猶未退輝映衆
白頭精采發光怪興來拇陣轟叫吹角勝敗狂不諱老
饜。詭。或。肆。撒。賴。由。來。天。與。壽。原。令。脫。拘。械。倘。慕。溫。克。名
。硜。硜。守。抑。戒。縱。誇。強。哉。矯。寧。挽。甚。矣。億。當。年。白。與。富。老
。尚。貪。舖。噉。吾。儕。散。誕。人。可。勿。謀。一。快。社。酒。堪。治。叢。諸。公
。况。未。贖。好。繼。前。賢。踪。風。流。付。圖。繪。

楊舍寓齋平池一畝跨以石橋橋左右向有紅白

荷花余今歲來游適交夏至荷葉已滿池而忽

一夕大雨如注水長二尺衆藥皆淹感賦

寓齋何所戀爲有池荷芳池長三十步石橋跨中央兩

邊紅白花年年開滿塘我來正夏至菡萏苞方將或小
如繭粟波面尙半藏或如盧鼓槌粗可搗漁陽預擬花
繁時開筵具壺觴招邀同調友準備吟詩腸賞此衆嬋
娟破慳趙壹囊酣爲碧筍飲刷藕劈瓜瓢左呢粉白靨
右擁媽紅粧晨夕爲歡娛吾將老是鄉豈期一夜雨水
長二尺強戢戢千萬頭嬌魂盡沈湘想渠被溺時望救
情。孔。傷。恨。無。擾。苗。者。掖。之。身。頓。長。坐。受。滅。頂。凶。安。得。奮
首。昂。嫩。蕊。一。被。浸。難。甦。返。魂。香。欲。俟。再。發。穎。補。綴。好。景
光竹非上番笋茶已第二綱精神固暗減寧復新嫁娘
由來書生命清福愿莫償美食剛到口忽有扼其吭轉

念忽自笑此意殊癡狂時當翻翠侯得雨如瓊漿君但知惜花可計及栽秧

耳聾

我昔耳最聰萬籟攝呼吸審音師曠傳奏曲周郎識食葉聞蠶聲堵牀數龜息有人語隔垣往往防聽竊如何近年來若有物壅塞初投石磴礧旋閉關隔闕對面語不知情恍以意測但見遶梁塵豈解霏玉屑偶然話不投輒欲搦其頰古有王晉卿壯年患此疾東坡為發怒向耳大噴喝勒限三日痊過期便當割果然翊日瘳不煩社酒力見錄我耳獨不然五官遂缺一由來氣盛衰默有司懈律少壯肩易開枯槁室難器只好作難陀返聽叩虛寂世務紛蜩螿聆之本何益少聞殊省事放翁言破的從此長杜門一概謝喧聒

題李靜菴印譜

史籀變鳥跡古文已可棄何以孔壁中尚有科蚪字可知流溯源事必究所自即如真行草用已遍斯世印章需繆篆千載不能廢爰有鐵筆生嗜古擅絕技閒鐫花乳石衆體無弗備直將斯水手妙彷彿漢唐製我思文藝中優孟最所忌獨於篆刻家惟恐不貌似倘徒炫新奇俗書貯篋笥貝葉抄西番木皮襲南裔驢唇及蝨吒樣

矚眼增刺雖足侈繁博未免趨詭異此編援倉雅耽玩
勤所肆之翠嶧山碑祖丁父已器一一入揣摩腕力遑
告瘁體勿論圓方文各別粗細懸針與倒薤愈拙愈嫵
媚遂自成一家不數甘字智能事探先河共窺義韻秘

[Faint bleed-through text from the reverse side of the page]

早稲田大学図書館

011888007751